


**AWIG-AWIG DESA ADAT  
KEMONING  
KABUPATEN KLUNGKUNG  
BALI**



1985



**AWIG-AWIG DESA ADAT  
KEMONING  
KABUPATEN KLUNGKUNG  
BALI**

1985

DAGING BUKU AWIG - AWIG DESA ADAT KEMONING

Nomer	Dagingnyane	Halaman.
1.	Murda cita .....	i.
2.	Daging buku awig-awig Desa Adat Kemoning .....	ii.
3.	Sarga I. Aran lan wewidangan Desa .....	1.
4.	Sarga II. Petitis lan pamikukuh .....	2.
5.	Sarga III. Sukerta tata pakraman .....	3.
6.	Palet 1. Indik Kerama .....	3.
7.	Palet 2. Indik Perejuru .....	14.
8.	Palet 3. Indik Paruman lan sangkep .....	17.
9.	Palet 4. Indik Kulkul .....	19.
10.	Palet 5. Indik druwen Dest .....	21.
11.	Palet 6. Indik Sukerta pamitegep .....	23.
12.	Kaping 1. Karang, tegalan lan carik .....	23.
13.	Kaping 2. K e k a y o n a n .....	24.
14.	Kaping 3. W e w a n g u r a n .....	25.
15.	Kaping 4. Indik Wewalungan .....	25.
16.	Kaping 5. B a y a .....	26.
17.	Kaping 6. Penyanggraha Banjar .....	28.
18.	Sarga VI. Sukerta tata cara Agama .....	29.
19.	Palet 1. Dewa Yadnya .....	29.
20.	Palet 2. Resi Yadnya .....	35.
21.	Palet 3. Pitra Yadnya .....	36.
22.	Palet 4. Manusa Yadnya .....	39.
23.	Palet 5. Butha Yadnya .....	39.
24.	Sarga V. Sukerta tata pawongan .....	41.
25.	Palet 1. Indik Pawiwahan .....	41.
26.	Palet 2. Indik Nyapihan .....	42.
27.	Palet 3. Indik Senjata .....	43.
28.	Palet 4. Indik Warisan .....	44.
29.	Sarga VI. Wicara lan Pamidanda .....	46.
30.	Palet 1. Indik Wicara .....	46.
31.	Palet 2. Indik Pamidanda .....	46.
32.	Sarga VII. Ngawah-nguwuhin .....	49.
33.	Sarga VIII. ? e m u p u t .....	49.

AWIG-AWIG DESA ADAT KEMONING KELURAHAN GALIRAN  
KECAMATAN LAN KABUPATEN KLUNGKUNG  
=====

" M U R D A C I T A "

Om Swastyastu,

Saking asung kreta wara nugraha Ida Sang Hyang Widi  
Wasa, melarapan gilik saguluk saha cita nirmala punika ma-  
wanan sida kasurat awig-awig Desa Adat puniki.

Awig-awig gumanti wantah pinaka bungkah pamikukuh Desa -  
Adat sajeroning midabdabin kalih nyangra kasukretan kerama  
Desa rawuhing kulawarga pawongan. Saha melarapan antuk -  
dharma prewertinnia ngerajegang Sang Hyang Aji Agama manut  
dresta. Sejawining dresta inucap, pamekas Pancasila, Undang  
Undang Dasar 1945, tata titi miwah adnyan Sang rumaga guru  
wisesa tan kalempasin antuk awig-awig puniki.

Mogi wastu sida mikolihang manut ring patitisnyane.-

Om Çanti, Çanti, Çanti Om.-

S A R G A I  
 ARAN LAN WEWIDANGAN DESA  
 P A W O S 1

1. Desa Adat puniki mewasta : Desa Adat Kemoning.
2. Wewidangan Desa Adat Kemoning puniki ngawengku :
  - 2.1. Pura -- Pura :
    - 2.1.1. Kahyangan Tiga.
    - 2.1.2. Dang Kahyangan.
    - 2.1.3. Pura Pesimpangan.
    - 2.1.4. Pura Dadia utawi Druwe Warga.
    - 2.1.5. Pura Paibon.
  - 2.2. Pekarangan Desa utawi tanah Banjar lan telajakan nia.
  - 2.3. Tanah pekarangan paumahan, tegal muah carik.
  - 2.4. Margi lan rurung.
  - 2.5. Telabah utawi tukad.
  - 2.6. Setra luwire setra Gde lan Setra Sangyang.

P A W O S 2

1. Desa Adat Kemoning puniki ngewidangin 5 Banjar :
  - 1.1. Banjar Sari.
  - 1.2. Banjar Pegulingan.
  - 1.3. Banjar Kemoning.
  - 1.4. Banjar Atu.
  - 1.5. Banjar Delodtiti.
2. Wewidangan inucap ring ajeng mewates nyatur sekadi -- ring sor :
  - 2.1. Wates sisi Wetan : Tukad Berem, Banjar Pekandelan, Banjar Ayung muah Subak -- Jerokutaklod.
  - 2.2. Wates sisi Kidul : Desa Satra.
  - 2.3. Wates sisi Kulon : Tukad Jinah, Desa Adat Budaga, Banjar Pegending.
  - 2.4. Wates sisi Lor : Subak Pegending, Banjar Tangkas.
3. Wewidangan Desa Adat Kemoning Puniki kegenahin antuk:
  - 3.1. Krama Desa luwire Krama ngarep, Krama pengele, -- Krama keputungan, sinanggeh Krama patus Agung.
  - 3.2. Krama pengumbaran utawi tamiyu.

S A R G A II  
PETITIS LAN PEMIKUKUH

P A W O S 3

Desa Adat Kemoning ngenanggehang Dasar :

1. Pancasila sekadi mungguh ring Pembukaan Undang-Undang Dasar Warsa 1945.
2. Trihita Karana manut ring Tatwaning Buwana Agung.
3. Undang-Undang Dasar Republik Indonesia warsa 1945 -  
ping ajeng manut ring pasal 18.

P A W O S 4

Petitiss Desa Adat Kemoning puniki kesurat sekadi ring  
sor :

1. Mapikukuh miwah ngerajegang Sang Hyang Agama.
2. Nginggilang tata Prawertin Meagama.
3. Ngerajegang kesukertaning Desa Krama saha Pawongannya  
ne sami, sekala lan niskala.

## S A R G A III

SUKERTA TATA PEKRAMANPALET 1 : INDIK KERAMA

## P A W O S 5

1. Nian tingkahing kerama Desa Adat Kemoning, inggih sehananing wang sane jumenek ring wewidangan Desa Adat Kemoning, tur satinut ring daging awig-awig Desa Adat Kemoning, wiadin pemargin kerama Desa Adat Kemoning.
2. Sane kebawos<sup>Kerama</sup> Desa Adat Kemoning, inggih punika sane sampun alaki rabi, ngamong karang Desa, wiadin tang ngamong karang, nyungsung Kahyangan Tiga, tur satinut-ring daging awig-awig Desa Adat Kemoning.
3. Sang mawed saking Desa Adat Kemoning, sakewanten magenah ring jaba Desa wiadin ring jaba Kuta melarapan antuk ngarereh pangupe jiwa, patut kantun makrama Desa Adat Kemoning, sakewanten swardarmannya patut naur jinah pamлага kehnya manut perarem.
4. Yan riwekasan ritatkala ipun budal mapakayun pacang ngawangun karya ala wiadin ayu, dados nunas patus karya wantah ping 3 (tiga), yan indik patus ajengan tan polih.
5. Yan riwekas ipun jaga budal jumenek, patut nganutin mekrama banjar wiadin Desa Adat Kemoning, krama inucap tan keni tulak mincir.
6. Yan tan manut sekadi bawos inucap ring ajeng, utawi tan naur jinah pmlagaan ngantos ping 3 (tiga), sang melaga inucap wenang kapenging. Wekasan yan ipun mewali budal, malih jaga nganutin mekrama banjar/Desa Adat Kemoning, wang inucap kepatutang keni danda :
  - a. Tulak mincir.
  - b. Pangererengo.
  - c. Melencerin.
  - d. Penyagsag wirasa.

## P A W O S 6

Yan wenten anak anaking Desa Adat Kemoning sane transmigrasi, punika kepatutang sampun wusan mekrama Desa Adat Kemoning, minekadi saking patilarnya sangkaning rahayu.

Sakewanten yan kantun maduwe utang ring banjar wiadin ring Desa Adat Kemoning, patut ketawur dumun. Wekasan yan ipun malih budal sangkaning patut, ipun wenang katri ma ring Desa Adat Kemoning, nanging kepatutang naur tulak mincir gung arta, Limang atus seket jinah bolong.

## P A W O S 7

1. Malih yan wenten wang saking jaba Desa, utawi jaba Kuta, madunungan ring sawengkonin Desa Adat Kemoning, sang kadunungan patut mapejati ring Klian Desa Adat lan ring Kepala Dusun, tur wang punika patut kesareng ngang. Sakewanten wates dados madunungan wantah abulan pitung rahina.
2. Yan lintang ring abulan pitung rahina, wang inucap patut naur jinah panukun pewangunan satunggil asasih kehnya nganutin pasuaran krama Desa Adat Kemoning, tur wenang ketawur nyabran ngenen sasih ritatkala Galungan. Tios ring punika taler dados tedun mekrama Desa Adat Kemoning, sakewanten yan sampun pateh Gamannya.

## P A W O S 8

1. Malih yan wenten ikrama Desa Adat Kemoning, sinalih tunggil pacang matimbang tanah pekarangan Desa, wiadin ngadol tanah kasugihan sane kantun ring wawidangan Desa Adat Kemoning, kepatutang mapejati ring Klian Banjar nyane sowang-sowang tur kelanturang ring Klian Desa Adat, nanging polih sengker asasih. Wigunan pejati punika, pacang ketambyakang ring krama Banjar sowang-sowang utawi ring Krama Desa Adat Kemoning, sang sapa sira sinalih tunggil pacang mapakayun nimbal utawi numbas indik kawentenan sekadi inucap ring ajeng. Selanturnya yar tan wenten pacang nimbal wiadin numbas, wawu dados katimbang utawi keadol ring anak siwosan.
2. Malih yan wenten wang mawed saking Desa Adat Kemoning, utawi wang saking jaba Desa wiadin jaba Kuta, sakewanten pateh gamannya nimbal tanah pekarangan Desa, patut ngeranjing jinah tur jinah punika kaepah dados kekalih, satenga ngeranjing ring Desa Adat, malih satenga ngeranjing ring Banjar sane marep. Sakewanten yan anak anaking Desa Adat wiadin bebanjaran, keni

apah satus, nanging wang saking jaba Desa utawi jaba Kuta keni apah seket. Jinah punika mawasta jinah panukun bebawos, tur patut tedun makrama Desa Adat Kemoning.

3. Malih yan wenten wang saking jaba Desa utawi jaba Kuta sane numbas karang kasugihan sane kantun kaduwe antuk ikrama Desa Adat Kemoning tur kantun taler ring wewidangan Desa Adat Kemoning, patut keni panukun pewanungan ngesasih kehnya manut sekadi perarem. Lan patut ketawur nyabran ngenem sasih ritatkala Galungan. Nanging yan ipun memamah pacang tedun mekrama Desa Adat Kemoning, taler kedadosang, sakewanten yan sampun pateh gamenya.

## P A W O S 9

Malih yan wenten ikrama Desa Adat Kemoning, maduwe okalanang lintang ring asiki, wekasan yan sampun okane sami maduwe kurenan, sane pinih pungkur wenang nyundulang ramannya.

## P A W O S 10

1. Yan wenten ikrama Desa Adat Kemoning balu muani maduwe oka istri kantun alit, kangkat tedun madesa Adat yan sampun okane mayuse limang masa (5 th.), krama inucap mawasta patus tapukan, karya istri tan keni, nanging yan indik wawedalannya keni kadi patut.
2. Malih yan wenten krama Desa balu luh maduwe oka lanang, kangkat tedun makrama Desa yan sampun okane taruna (17 th.).
3. Malih yan wenten ikrama Desa Adat Kemoning, maduwe oka lanang lan istri, nanging katinggalin antuk yayah rena, wekasan yan sampun okane deha lan taruna, wawu patut tedun mekrama Desa Adat, punika mawasta patus bulangkep.

## P A W O S 11

1. Yan wenten anak anaking Desa Adat Kemoning, sane kantun taruna, magenah ring jaba Desa, wekasan ipun maduwe kurenan kepatutang tedun mekrama Desa Adat Kemoning, sakewanten yan ipun tan arep, ipun arep madesasiwosan nanging melarapan antuk nyelosin waris ceput-

punika mewasta pomargi patut. Wekasan yan ipun malih - mewali arep tedun madesa Adat Kemoning, wang punika ke ni tulak mincir kenawon.

2. Malih yan ipun arep madesa Adat sewosan nanging tan wenten nyelosin waris, wekasan yan ipun malih mewali arep tedun madesa Adat Kemoning, wang punika patut keni danda luwirnya :
  - a. Tulak mincir.
  - b. Pangererengo.
  - c. Melencerin.
  - d. Penyagsag wirasa.

Danda punika sowang-sowang gung arta limang atus seket jinah bolong.

#### P A W O S 12

1. Saluwirin tingkahing sane wawu tedun makrama Desa Adat Kemoning wiadin Banjar Adat, patut naur jinah, punika-mawasta jinah panukun pipil, akehnya satus akutus jinah bolong, nanging satenga patut karanjingang ring Desa Adat Kemoning, malih satenga ring Banjarnyane sane marep.
2. Nanging sane wawu tedun mekrama Desa/Banjar Adat Kemoning, sakewanten saking jaba Desa utawi jaba Kuta, kepatutang taler naur jinah panukun pipil lan penutug kasugihan sane marupa jinah ring Banjar wiadin ring Desa.

#### P A W O S 13

1. Riwekasan wenten sinalih tunggil ikrama Desa Adat Kemoning pacang wusan mekrama Desa Adat Kemoning sangkaning rahayu utawi tan rahayu, patch tan molih eduman kesugihan miwah pepayonar, nanging yan meduwe utang patut ketawur dumun.
2. Wekasan yan malih mewali pacang tedun mekrama Desa Adat Kemoning, wiadin tedun mebanjar sane wusan sangkaning tan rahayu, punika patut keni panidanda luwire :
  - a. Tulak mincir.
  - b. Pangererengo.
  - c. Melencerin.
  - d. Penyagsag wirasa.

Sowang-sowang danda inucap gung arta limang atus seket jinah bolong.

## P A W O S 14

1. Riwekas yan wenten ikrama Banjar sinalih tunggil pa -  
cang ngewangun karya ayu, dados nunas karya ring same-  
ton krama Banjar nanging patut karya punika kekaryanin  
ring Banjar. Sakewanten indik iklian Banjar lan isaya-  
balung rauh ring ipacara Banjar memargi kadi patut.
2. Malih yan wenten sinalih tunggil ikrama Banjar pacang-  
nyelang genah rawuhing prabotnya ring Banjar, taler ke  
dadosang, sakewanten indik upacara Banjar memargi ma -  
nut dresta.

## P A W O S 15

1. Inggih puniki tingkahing patus ajengan, ritatkala sina  
lih tunggil ikrama Desa Adat Kemoning ngewangun karya -  
Ngaben, sang triwangsa patut keni patus kekalih, sane  
asiki mewasta patus panegen.
2. Indik runtutan patus ajengan punika luwir ipun : Kela-  
pa abungkul, taledan petang bidang, nanging ajengan pa  
tus punika mangda becik, ajengin becik tur genep. Yan  
tan manut sekadi ring ajeng wenang keni danda gung ar-  
ta satus akutus jinah bolong, tur maselangin patus an-  
tuk beras. Beras ika kewehin sang maduwe karya.
3. Yan tan mekarya patus wenang danda gung arta satus e -  
nem desa enem jinah bolong, tur beras panukun patus pu  
nika katut buri antuk jro Klian, pacang kewehin sang -  
meduwe karya.

## P A W O S 16

1. Malih yan indik patus karya wenang nunas karya ping ti  
ga.
2. Malih yan indik mekarya rompek ring pateluan setra, pu  
nika patut kawedalin olih ikrama Desa Adat Kemoning, -  
sakewanten sang maduwe karya patut keni pangelet sawa,  
sawiji gung arta satus akutus jinah bolong.

## P A W O S 17

1. Malih indik tingkahing sano wenang dudukung patus, ing  
gih punika :

- a. Sane mewasta saking purusa temen, nanging magenah -- tur mekrama Desa Adat Kemoning luwire, rerama, wa -- yah, kumpi, kelab, wareng, kutu buyut, wiadin kure -- nan, pianak, cucu, kumpi, lan seterusnya.
- b. Yan kantun rare sakewanten sampun pupak wenang dudu -- kang patus. Nanging yan rare durung pupak tan we -- nang dudukung patus.
- c. Yan siwosan ring waris nanging sampun mapejati ring Klian Desa Adat, tur sampun kasungkemin antuk krama Desa Adat Kemoning, luwir ipun, pianak antuk meras, pianak dicambra, wang siwosan sakewanten sampun da -- dos roban muwah sane siwosan sakewanten taler sam -- pun kesungkemin antuk ikrama Desa Adat Kemoning, we -- nang dudukung patus.

## P A W O S 18

1. Yan tingkahing pacang mapuwangun karya Ngaben, saduru -- nge patut mapejati ring Klian Banjar muwah ring Klian -- Desa Adat Kemoning.
2. Nanging risampune mapejati ring Klian Desa Adat Kemo -- ning, yan wenten sareng tiga pacang mapewangun Ngaben, sane pinih unkur kepatutang olih Klian Desa Adat me -- karya wadiah utawi pesarean kekalih, riantuk manut dres -- tene tan kepatutang wenten wadiah wiadin pesarean teti -- ga, sakewanten sane mekarya wadiah wiadin pesarean keka -- lih polih pah pahan patus kalih pahan.
3. Malih yan wenten ikrama Desa Adat Kemoning pacang mapu -- wangun karya Ngaben, sakewanten nyarengang sawa sakeng jaba Desa, yadiastun waris ipun tan wenang dudukung pa -- tus. Nanging yan ipun pacang Ngaben nguren kedadosang, sakewanten patut keni penanggung batu lan panukun setra, akehnya, duang tali limang stus jinah bolong.
4. Malih tingkahing pacang mapuwangun Ngaben masa wantah -- ping kalih kepatutang dados nuduk patus yan lintang -- ring ping kalih kedadosang ngaben nguren, tur tan ke -- sanggra antuk krama Banjar wiadin krama Desa Adat Kemo -- ning.
5. Yan prade wenten krama Ngaben masa tur pemargine ngi -- ring langkung ring adiri, naning padewasane sinarengan, patut patus punika kepeah manut kawentenannya kramane -- ngaben.

## P A W O S 19

Nian tingkahing pacang mapuwangun ngaben dadakan, inggih punika :

1. Yan ana sinalih tunggil ikrama Desa Adat Kemoning, -- arep anguwangun ngaben dadakan wenang mapejati ring -- Kliian Banjar nia.
2. Malih tingkahing pacang nuduk patus ritatkala ngaben dadakan, wantah ring banjarnyane marep, sane mawastapatus dadakan luwirnya : patus karya ping tiga lan patus ajengan, sane mawasta ajengan pegadangan.
3. Malih indik pagebagen sang adruwe karya wantah polih ping tiga, ngawit saking layone sampun mabersih.

## P A W O S 20

Malih yan wenten ikrama Desa Adat Kemoning sinalih tunggil kelampusan pacang mapendem wiadin ngaben dadakan indik pemargine luwire :

1. Patut mapejati ring Kliian Banjar, tur Kliian Banjar patut ngelanturang ring Kliian Desa Adat Kemoning indik kelampusan ika.
2. Patut Kliian Desa Adat ngerauhang ring Kliian Banjar sowang-sowang indik wewedalan pasuka dukan marupa beras 1 kilogram, lan jinah akehnya manut perarem.
3. Malih tingkahing panuduk beras pasuka dukan, patut ke laksanakan olih Kliian Desa Adat tur kesarengin antuk Kliian Banjar sowang-sowang.
4. Yan indik panuduk beras pasuka dukan punika patut kaduduk ring genah sang kelampusan sesampune mapendem -- utawi sadurunge ngaben, manut daging perareman Kliian Desa Adat Kemoning.

## P A W C S 21

Pidabdab indik ngewangun karya Pitra Yadnya.

1. Indik ngaben masa utawi ngaben dadakan memargi sekadi patut, nanging penyangga ring sang mapitulung wantah-kangkat antuk canang lan lanjaran sane pinih kincit.
2. Malih yan sampun tedun molahan wawuangkat keaturinwedang lan reruntutannya.

3. Malih yan indik penyanggra ikrama Desa Adat utawi Banjar, ritatkala ngaben dadakan, rikenjekan layone utawi sawane pacang kesetra, banjar sowang-sowang patut nyuwaryang kulkul ngawit saking Banjar sane marep sekadi patut, tur indik penyacakan ikrama Banjar sowang-sowang kawentenang wantah ring setra, risampune ngawit ngeseng.

## P A W O S 22

1. Indik pemargi manusa Yadnya minckadi, tugtug akambuhan, tigang sasih, ngotonin, makepit rambut, mepandes, mekala-kalahan/mesakapan much sane siwosan yan tan kaundang tan kangkat madelokan.
2. Malih yan indik ngawentenang karya Buta Yadnya, yan tan kaundang tan kangkat taler madelokan.

## P A W O S 23

Puniki tingkahing sane kepatutang sampun dados tedun ngayahang Desa luwire :

1. Sampun alaki rabi, utawi sampun marep mekrama Banjar, miwah Desa Adat Kemoning.
2. Sampun deha miwah taruna luwire :
  - a. Sane deha sampun mayusa enem belas masa (16 th.).
  - b. Sane taruna sampun mayusa pitulas masa ( 17 th.).
3. Tingkahing deha lan taruna dados tedun ngayahang Banjar wiadin Desa mejalaran antuk :
  - a. Sang maduwe oka utawi kepatutan, patut masadok ring Klian Banjarnyane sowang-sowang, tur Iklan Banjar-patut nureksain daging pesadok punika.
  - b. Selanturnya Klian Banjar ngrauhang ring Klian Adat-Kemoning, indik kawentenane sekadi ring ajeng.
  - c. Klian Desa Adat Kemoning wenang nambyakang indik deha lan taruna sane sampun dados tedun ngayahang Banjar wiadin Desa, marep ring ikrama Desa Adat Kemoning, rikalaning Karya Pangusabaan Kapat.
4. Malih yan wenten anak baneh tedun ngayahang saluiring-karya desa adat, sangkaning kapituduh olih sinalih tunggil ikrama Desa, punika tan dados.

## P A W O S 24

Kawentenan saya wantah ring Banjar sowang-sowang utawi ring Pura-Pura luwire, Saya arah lan saya balung.

1. Swadarmaning saya arah :
  - a. Ngemargiang saluwiring arah-arah, sane kapituduh -- saking Kli-an Banjarnyane sowang-sowang, utawi Kli-an Pura sowang-sowang.
  - b. Luput sehananing karya.
  - c. Ngamedalang banten cane ring sangkepan ritatkala -- pacang matimbang dados saya arah.
  - d. Saya arah ritatkala ngemargiang arah arah, tan ke--ngin mapituduh ring anak sane durung dados tedun -- ngayahang Desa, wiadin tan wenang ngerauhang arah-arah ring anak alit wiadin sane durung dados tedun ngayahang Desa.
  - e. Ritatkala isaya arah ngemargiang arah arah, yan -- sang kearahin utawi kaluargannyane sane patut kea--rahin tan wenten ring jero sang mapengarah wenang--ngengahang sawen, maka cihna sampun ngerawuhang -- arah arah.
  - f. Wewanengan dados saya wantah asasih utawi asangke--pan.
2. Swadarmaning saya balung luwire :
  - a. Mabersih-bersih ritatkala kawentenang karya ring -- Pura-Pura, Desa Adat Kemoning, utawi ring banjar -- banjar adat.
  - b. Nyanggra sehananing penelas toya, ritatkala kawen--tenang karya sekadi inucap ring ajeng.
  - c. Saya balung wantah polih cecenengan, sane mawasta--towas, sesampune wusan molahan, ajengan apangkon, -- ring ulem atending linggih gede.
  - d. Wewanengan dados saya balung wantah apuputan karya ring Pura, Desa Adat, utawi banjar-banjar adat.

## P A W O S 25

Indik Sekaha Gong Desa Adat Kemoning :

1. Sekaha Gong Desa Adat Kemoning, kehnya petang dasa di--ri (40) sane kasudi olih ikrama Desa Adat, mejalaran--antuk Kli-an Desa Adat Kemoning.

2. Sekaha Gong Desa Adat Kemoning, kapidabdabin olih Kli anyane sane kasudi tur kasungkemin antuk sekaha inucap.
3. Nyanggra sehananing karya ring Desa Adat Kemoning, Pura-Pura ring Pemerintah Agung, sang sulinggih, Sang-Angawa Rat, tur ring ikrama Desa Adat Kemoning, sane memuatang suaran Gong ritatkala Karya inucap.
4. Indik upah wiadin batu-batu, kawentenannyane madudondonan manut pinunas sang aduwe karya, tur akehnya manut perarem sekaha Gong sane sampun kasungkemin olih ikrama Desa Adat Kemoning.
5. Indik olih olihan isekaha Gong marep ring Desa Adat Kemoning luwire :
  - a. Sehananing upah wiadin batu-batu sane ketawur olih sang sane ngupah, duwang pah tiga kaduwe antuk sekaha Gong, apah tiga ngeranjing ring Desa Adat Kemoning.
  - b. Indik wewedalan punjung ritatkala karya ring Pura-Desa, sekaha Gong tan keni, indik wewedalan sane siwosan memargi sekadi patut.
  - c. Ngayahang karya istri lan ngiskis sane lanang ritatkala karya ring Pura Desa tan keni.
6. Indik prebeya kerusakan kendang ring jangat kesanggra olih sekaha Gong, nanging kerusakan krawang, utawi sa luwiring telawah prebeyannyane saking Desa Adat Kemoning.
7. Isekaha Gong kepatutang nyanggra pinunas sang sane ngupah.
8. Isekaha Gong patut ngemargiang sapituduh ikrama Desa-Adat, manut daging awig-awig Desa Adat Kemoning, utawi sane sampun kasungkemin olih ikrama Desa Adat Kemoning.

## P A W O 3 26

Tingkahing pacang ngaturang ayah ring sang Wiku utawi Sang Angawa Rat, patut kesanggra olih idesa Adat Kemoning.

Indik penyanggran karyane wanyah katur ring karyan Ida Sang Wiku ring Griya Sengguan, utawi ring Geriya Batutabih.

Indik ngaturang ayah wiadin punia ring Ida Sang Angawa --  
Rat (dalem) ring Puri Klungkung, taler patut kesanggna --  
antuk ikrama Desa adat Kemoning.

## P A W O S 27

Malih yaning ikrama Desa Adat Kemoning maduwe oka lanang  
utawi istri muah roban sane patut keranjingang masekolah,  
utawi sampun mayusa pitung masa ngantos roras masa we --  
nang kesekolahang sakweh putrane wiadin robane pinih kin  
cit puput/tamat ring sekolah dasar.

## P A W O S 28

Malih yan ikrama Desa Adat Kemoning sampun alaki rabi pa  
tut ngamiletin sane mawarta "KEJUARGA BERENCANA", tetu --  
jon Pemerintah Agung.

P A L E T : 2I N D I K P E R E J U R U

## P A W O S 29

1. Inggih puniki Desa Adat, wiadin Banjar-Banjar sane wenten sawewengkonin Desa Adat Kemoning, kapidabdabin tur kemargiang antuk Prejuru sane mawasta Klian Desa Adat, utawi Klian Banjar.
2. Biwosan ring Desa Adat Kemoning, malih wenten Banjar - Banjar sekadi inucap ring ajeng, sane akehnya 5 (lima) banjar, tur nyanggra sehananing pemargi ring Desa Adat Kemoning.

## P A W O S 30

Gagwat pacang dados Klian Desa Adat wiadin Klian Banjar - luwire :

1. Gumati anak anaking Desa Adat Kemoning utawi Bebanjaran.
2. Sampun kebawos manut pacang ngemarginin dados Klian Desa Adat, wiadin Klian Banjar.
3. Kasungkemin antuk ikrama Desa Adat lan Banjar Adat, tur mejalaran antuk pamineh sane becik.
4. Tur matur piuning ring Kahyangan Tiga, utawi ring panyungsungan Banjar, nunas asung Wara Nugraha Ida Sang Hyang Widi Wasa surangdene labda karya riwekas pacang ngemargiang daging awig-awig puniki.
5. Sane sampun mapamongan minekadi, Klian Gong, Klian Banjar, Klian Pura Dang Kahyangan, tan dados kasudi malih.

## P A W O S 31

Kawenangan maka miwah senger dados Klian Desa Adat, utawi Klian Banjar luwire :

1. Ngawit saking kasungkemin olih ikrama Desa Adat, utawi Banjar.
2. Mewaneng 3 (tigang) masa.
3. Riwekasan yan sampun tugtug senger, patut kaserahangtur mangda kawentenang sesudian Klian Desa Adat, wiadin Klian Banjar.
4. Sang pecak sane ngambel Klian Desa Adat utawi Klian Banjar tan wenang kasudi premangkin.

5. Kawenangan Klian Desa Adat wiadin Klian Banjar, patut ngenterang ikrama Desa Adat lan Banjar sami, minekadi pemargi ala wiadin ayu. Saha katuntun antuk Pemangku - Desa lan Pemangku Dang Kahyangan utawi Ida Sang Meraga Agung.
6. Para Pemangku patut mingsinghihang pamongannya ring Kahyangan Desa saha patut kesanggira antuk jero mangku-istri lan perejuru istri.
7. Pinaka duta Desa Adat Kemoning, utawi Banjar pacang --- ngawentenang bebawos ring sapesira ugi.

## P A W O S 32.

1. Malih yan wenten sinalih tunggil, Klian Desa Adat utawi Banjar iwang sesanannya miwah ngalinyokin sehananin duwen desa wiadin banjar tur presida kabuktiyang kei - wangannya antuk ikrama, punapi malih banget tiwal ring daging awig-awig, makemiwah pasuara, patut keni pami - danda nikel ring pamidandan ikrama siwosan.
2. Malih kepatutang ngewaliang sehananing duwen Desa utawi Banjar, saha kengin kerariyanang dados Klian Desa - adat wiadin Klian Banjar.
3. Klian Desa Adat lan Klian Banjar sane kesisipang tan - dados ngenterang kalih nuntun perarem ikrama Desa Adat wiadin Banjar duke punika
4. Indik kawentenan perareman punika wenang katuntun an - tuk Klian Desa Adat utawi Klian Banjar siwosan, taler- tan praside kangkat kemargiang olih Klian Banjar sane- pinih lingsir.

## P A W O S 33

Petias Klian Desa Adat miwah Klian Banjar luwirnya :

1. Tan keni saluwiring jejahitan lan peramuan, sakewanten ring pengerebonan lan piodalan ring Pura Petinggar manut sekadi dresta.
2. Malih polih cacenengan saluwiring duman.
3. Malih polih olih-olihan siwosan manut kawentenan pema-  
gi utawi perareman miwah petias-petias sane siwosan.

Klian Desa Adat Kemoning, wiadin Klian Banjar kagentosin mejalaran antuk :

1. Sampun tutug sengker dados Klian Desa Adat utawi Klian Banjar.
2. Katinggalin antuk Klian Desa Adat miwah Klian Banjar.. lampus utawi seda.
3. Tan sida ngemangiang swadarmaning Desa Adat, wiadin -- Klian Banjar, upami : Sungkan tahunan, utawi kapia -- lang abot sane siwosan.
4. Sangkaning pinunas Iklian Desa Adat lan Klian Banjar, sakewanten sampun kasungkemin antuk ikrama Desa Adat.. miwah Banjar.
5. Sangkaning kerariyanang saking ikrama desa lan banjar riantuk iwang pemargi.
6. Indik Klian Desa Adat utawi Klian Banjar sane kerariyanang patut kasungkemin antuk ikrama Desa Adat miwah bebanjaran.

P A L E T 3INDIK PARUMAN LAN SANGKEP

## P A W O S 35

Sangkep ring Desa Adat Kemoning wiadin ring bebanjaraan-panemayannya sekadi ring sor :

1. Sangkep ring Desa Adat Kemoning ring rahina Redite paing.
2. Sangkep ring bebanjaraan ring rahina Redite Pon, wiadin wenten taler ring rahina Redite Umanis.
3. Yan ritatkala sangkep kedulurin antuk naur cingkrem, marupa jinah bolong akehnya abidang. Sakewanten yan tan naur kopatutang keni danda sane mawasta lepih, akehnya patut katawur lalEPHIRAN punika limang bidang-jinah bolong.  
Taler sane tan rawuh keni dosa akehnya manut sekadi perareman.
4. Malih ritatkala sangkep patut naur gibungan dedosan, miwah pianak jinah paputran lan indik wawedalan sane siwosan. Kawentenan yan wenten sinalih tunggil ikrama Desa Adat miwah bebanjaraan sane tan naur sekadi sane-inucap ring ajeng, patut keni panikel, nanging dados-katawur malih asasih rikalaning pacang tedun sangkep.
5. Yan wenten sinalih tunggil ikrama Desa Adat wiadin ring banjar-banjar tan naenin tedun sangkep nembeninsaking Redite Paing Gumreg kantos nemu Redite Paing Gumbreg, punika kawastaning nemu gelang, indik punika wenang kebawosin antuk ikrama Desa Adat wiadin bebanjaraan tur patut katiwakin pidanda manut sekadi pasuara.

## P A W O S 36

Malih yan pacang ngawentenang paruman padgatakala, ing gih punika sadurunge patut ngawentenang arah-arah saking Klian Desa Adat wiadin Banjar-Banjar, malarapan antuk ijuru arah sane mawasta isaya arah, manut ring bebanjaraanne sowang-sowang.

Sangkepan wiadin peparuman ring Desa Adat lan Banjar-Banjar, patut kerawuhin olin ikrama Desa wiadin Banjar-Banjar tur manut sekadi ring sor :

1. Melarapan antuk suaran kulkul.
2. Presida kelaksanayang paruman/sangkepan risampune i - krama Desa Adat wiadin Banjar-Banjar ketedunin antuk-setenga langkung saking krama sane patut ngamiletin.
3. Sang pacang ngamiletin peparumane wiadin sangkep patut mabusana adat.
4. Ritatkala parum wiadin sangkep tan kaladosang ikrama-Desa miwah Banjar makta gegawan utawi sane siwosan, - sane ngaranayang peparumane wiadin sangkepane tan - arep memargi becik, taler tan dados makta ayam.
5. Tan naren ngastiti ring Ida Bagawan Penyarikan maka - serana antuk banten cane.
6. Pengawit peparumane patut nyacak dumun, yan durung - rauh keni dosa satenga, yan sampun wusan peparumane - taler tan rauh keni dosa sekadi patut.
7. Malih tingkahe nyacak ritatkala parum wiadin sangkep-ikrama Desa Adat lan Banjar patut melinggih yan durung wusan jero Klian Desa Adat utawi Klian Banjar nyacak- tan dados ikrama sami metangi.
8. Indik pamutus peparumane utawi bebawosan keutsahayang mangda gilik saguluk tur pematute sane dados keanggen sareng sami, taler mangda anut, utawi tan lempas ring pematut Agungge, mekadi ring Pancasila lan UUD. 1945.
9. Nanging yan wenten paksa tungkas, punika patut kaputus antuk pasuara sane akehan.
10. Putusan paruman punika sane patut kasungkemin antuk - ikrama Desa lan Bebanjuran sami, tur sane wenang keanggen uger-uger geguwat tata pangenter ring Desa Adat wiadin Banjar manut drestane.
11. Nanging yan tan presida, memanggih pamutus, patut kaa - turang ring Pemerintah Agungge, sane patut niwakin pamutus manut daging wicara inucap.

P A L E T 4I N D I K K U L K U L

## P A W C S 38

1. Indik kawentenan kulkul ring sawongkonin Desa Adat Kemoning, utawi ring Banjar-Banjar lan Pura-Pura Dang - Kahyangan miwah pedadiyan sekadi ring sor :
  - a. Klukul pajenengan.
  - b. Kulkul Desa Adat Kemoning.
  - c. Kulkul Banjar-Banjar Adat.
  - d. Kulkul sekeha Gong Desa Adat Kemoning.
  - e. Kulkul ring Pura-Pura.
  - f. Kulkul Pekaseh utawi Subak Lemek.
  - g. Kulkul ring soang-sowang paumahan.
2. Pemargi sane patut kacihnayang antuk swaran kulkul luwire :
  - a. Kulkul patut kasuwerayang ritatkala Betara tedun - mayas, ngantos katucan pangererebonan, rikalaning-ngaturang piodal ngantos ngaluarang, miwah ritatka la Betara pacang masineb.
  - b. Kulkul Desa Adat utawi Banjar-Banjar lan kulkul se kaha Gong patut kasuarayang ritatkala parum, sangkep, miwah mekarya saluwiring karya. Yan indik pawiwahan wiadin kelampusan patut kesuarayang kulkul ring Banjar-Banjar sane marep.
  - c. Kulkul Pura-Pura, Pekaseh, utawi Subak, lan kulkul sekaha Gong kasuarayang rikalaning ngaturang piodal, parum, sangkep lan mekarya saluwiring karya.
  - d. Kulkul ring sowang-sowang paumahan kasuarayang ritatkala wenten keni kepanca baya.

## P A W O S 39

Indik swaran kulkul manut kawentennanyane luwire :

1. Kulkul Pajenengan swaran ipun alon tur mesangsihan.
2. Swaran kulkul pacang tedun mekarya, saluwiring karya, sangkepan wiadin pacang parum suaranyane kalih tuludan sedeng.
3. Swaran kulkul merangkat utawi ngerorod, kalih tuludan sada gancang tur kasuarayang ritatkala wengi.

4. Suaran kulkul ritatkala wenten kelampusan, atuludan -- alon sakewanten cutet.
5. Ritatkalaning wenten kapanca baya luwire, kapuunan, -- kabelabar, ampehan linus muah sane siwosan suaran -- ipun sedeng seterusnya.
6. Malih yang indik amuk, kebaak, kemalingan, wiadin yu- da suaran ipun bulus sakewanten cutet.
7. Yan indik suaran kulkul ring soang-soang poumahan sua- rannyane, manut ring tetiwak pamerintah Agunge.

## P A W O S 40

1. Kulkul sami sane wenten ring sawengkoning Desa Adat -- Kemoning patut kasuarayang olih Kliannyane sowang-so- wang utawi sang sane kapituduh antuk jero Klian, we -- nang juga manut tatujonnya.
2. Yan wenten ikrama sinalih tunggil keni kapanca baya, -- wang inucap utawi krama sane siwosan sapituduhnya ka- yogya digelis nyuarayang salih tunggil kulkul ring Desa Adat Kemoning, tur patut supekta najalanan tatu- jon panepake.
3. Yan tan sadu ring Desa wiadin ring Banjar adat Kemo -- ning indik jalanan suaran kulkule sang nyuarayang pa- tut keni pamidanda manut parereaman.

PALET 5INDIK DRUWEN DESA

## PAWOS 41

Sane mungguh druwen Desa Adat kemoning sekadi ring sor :

1. Sehananing pelinggih Pura rauhing wewangunan sedagingnia luwire :
  - 1.1. Pura Kahyangan Tiga lan Petinggar.
  - 1.2. Pura-Pura Dang Kahyangan, manut sekadi dresta sane sampun memargi kesukserah ring para pangempon-sowang-sowang.
2. Genah wantilan Desa Adat Kemoning rauhing pewangunan lan telajakannia.
3. Gong abarung sejangkepnia.
4. Sehananing genah banjar rauhing wewangunan lan telajakannia.
5. Tanah pekarangan Desa utawi tanah PKD, manut deresta sane sampun memargi kesukserah ring ikrama Desa Adat Kemoning tur satinut ring daging awig-awig.
6. Tanah setra.

## PAWOS 42

1. Krama Desa Adat Kemoning patut nitenin tur mraktiyasayang druwen Desa sami manut ilekita ring ajeng.
2. Bilih wenten druwen Desa Adat Kemoning sane ical sang sapa sira sane memandung utawi memaling wenang keni danda manut perareman saha ngewaliang pemandungan inucap.
3. Yening wenten prade druwen Desa Adat Kemoning ical nanging tan wenten ngangken ngambil patut ngewentenangpedewesaksian.

## PAWOS 43

Indik Pamiara Setra.

1. Wewidangan Setra patut kapiara utawi kebersihin setunggil rahina Redite Kliwon Wuku Sungsang.

2. Yening wenten wang mendem ring Setra Kemoning tan kapatut mekarya gegumuk semen wiyadin bebetonan.
3. Yan ana wang tan atiwa-tiwa tan kepatut mendem layon - ring Setra munggah ring ajeng.

P A L E T 6S U K E R T A P A M I T E G E P

## K A P I N G 1

## KARANG, TEGAL LAN CARIK

## P A W O S 44

1. Tanah pekarangan Desa utawi tanah paumahan sane tan ma pipil patut kaayahang utawi makrama Desa Adat Kemoning.
2. Yan wonten sinalih tunggil ikrama Desa pacang matimba- lang utawi nyiwa danaang tanah pekarangan Desa punika- patut polih wak-wakan saking warisnya tur polih pemu - tus olih Prajuru Desa Adat Kemoning.
3. Sehananing wewilangan karang, tegal lan carik sane wen ten ring wewidangan Desa Adat Kemoning patut sekadi -- ring sor :
  - 3.1. Wonten batas ipun.
  - 3.2. Mepemedal kerurung utawi komargine, tan wenang ke bebeng.
  - 3.3. Wenang kewehin song embah utawi penguwas toya.
  - 3.4. Sehananing karang, tegal, carik kepatutang mangde ne maguna marep sang nuwenang saha tan ngawina -- yang keduhkitan marep ring anak siosan.
4. Wates karang ring ajeng dados nganggon tembo, dados ta ler ngangge pepageran. Wates inucap sane ring kaler -- sane ring kangin tur sane namping rurung patut kekar -- dinin tur kedruwe olih sang medruwe karang.
5. Yan pacang makarya jempeng, kandang wewalungan, miwah- genah jejemuhan busana tan wenang nampek ring perhyang an, merajan utawi Pura. Paembangnyane paling kidik ade pa Agung. Semalih piranti-piranti inucap patut kapiara olih sang maduwe ngantos tan pekanten kawon utawi nga- metuang pangeleteh.
6. Semalihne ikrama Desa tan kalugra ngalahlah pahan ta -- nah pekarangan, tegal, carik padrebenan anak sewos, pu napi malih sane kedruwe antuk banjar, Desa, Linggih -- Kahyangan, margi, setra miwah sane siwosan.

7. Prade wenten ikrama melaksana kadi ring ajeng wenang katiwaking pematut luwire :
  - 7.1. Ngewaliang tanah sane kakalahang.
  - 7.2. Ngewehin prebiya sekadi patut.
8. Yening wenten telajakan karang patut kepiara antuk sang madruwe telajakan punika, pinih becik kedagingin tetanduran sane ngemedalang keasrian wewidangan.

## K A P I N G 2

K E K A Y O N A N

## P A W O S 45

1. Yening wenten sinalih tunggil ikrama Desa nandur ta-nem tuwuh mededampingan wing genah parhyangan wiyadin paumahan paemabang ipun saking panyengker patut pa-ling kidik adapa agung.
2. Yening wenten kekayonan sane kapitahen pacang ngera - uhang baya ring anak seyos luwire ngungkulin, akah - ipun ngerusak tembok panyengker wiadin tembok wewa - ngunan, kekayonan punika kangkat ketundung.
3. Prebeyan mademang kekayonan punika ketawur olih sang manundung, wangke ikang kekayonan kaserah ring sang - madrebe.
4. Yening sang madruwe kekayonan tan nyuken nundung, sang manundung wenang nunas upasaksi ring Iklian Desa Adat yening taler tan kedagingan, riwekas yaning kekayonan punika ngerubuhin sang manundung kepatut sang madruwe kekayonan punika mecikang tur ngupakarain pepayonan- sane kerubuhan.
5. Yening wenten taru pungkut kekarang anak siyos wenang ketaban sakuweh wit taru punika ngelintang ring peka- rangan anak siyos punika.
6. Prade wenten wang angebah taru ngrubuh pekarangan wi- adin pepayonan anak siyos kapatut sang ngebah sareng sang mapituduh memecikang tur ngupakarain pepayonan sane karubuhan.

7. Bilih wenten tetanduran entikan ipun ngelimbak utawi ngelintang ke Pekarangan wiadin tegal, carik, anak si yos wenang ketabanan olih sang madruwe karang, tegal lan carik sane kaungsi olih entikan punika.

## K A P I N G 3

W E W A N G U N A N

## P A W O S 46

1. Sehanan warga Desa tan kepatutang mekarya wewangunan-nyapcap kepekarangan wewangunan anak seyos.
2. Yening pacang mekarya rurung linggah ipun kepatut manut deresta luwire adepa agung, adepa belah, adepa.
3. Linggah rurung inucap ring ajeng manut ring perareman sang pacang ngangge rurung punika mearep ring sang - madruwe tanah sane pacang keanggen rurung.
4. Tan kepatut ngenahang barang padruwean ring margi utawi rurung Desa Adat Kemoning melintang ring araina.
5. Sehananing margi sane wenten ring wawengkon Desa Adat Kemoning kepatut taler polih pitulung pamiara keasrian saking ikrama Desa Adat Kemoning, pinaka penyang - gra ikrama Desa Adat marep ring I Pemerintah Agung pamiara keasrian wewidangan.
6. Tan wenang ngewentenang wewangunan sejroning kekuwub margi.
7. Yan wenten kekayon sane naonin margi utawi rurung sane sinanggeh pacang ngerauhang baya wiadin penyelengkad pemargian wenang kekayonan punika kesipat gantung sane ngelintang katebteb.

## K A P I N G 4

I N D I K W E W A L U N G A N

## P A W O S 47

1. Sehanan warga Desa Adat Kemoning mamiara wewalungan - patut sayaga nitenin wewalungannya umpami : negul, - ngelogor mangda tan ngerusakin karang utawi pabiyanan krama siyosan, napi malih nyantos ngaletihin Kayangan.

Prade wenten wewalungan melumbar utawi galak nyantos ngerusakin-ngerusakin pekarangan utawi pabiyanaan ri - sampune kepelungguang, malih kewara, kengin ketaban - kesadokang ring Prajuru. I Prajuru wenang mamidanda - sang nerebenang manut perarem tur kepatutang nahur pe nebus sane kerusakang.

2. Prade ngeletehin genah suci risampune keparitatas o-  
lih Prajuru sang nerebenang patut keni pamidanda tur  
saha ngupakara Kahyangan inucap manut purana.
3. Tan Kawenang nganggonang utawi negulang wewalungan -  
ring genah-genah sekadi ring sor :
  - 3.1. Genah-genah suci rauhing pekarangan wewangunan -  
banjar.
  - 3.2. Margi Agung, rurung ring Desa.
  - 3.3. Pekarangan Desa mungging telajakannia.
  - 3.4. Setra.

## K A P I N G 5

### B A Y A

#### P A W O S 48

1. Sehanan laksana sane tan rahayu sane mawesana ngawi -  
nang pekobet, dukkita, dukkreta ring wang utawi krama  
banjar wiyadin krama Desa sinanggeh baya, wang utawi  
sang sane ngawinang baya sinanggeh dusta.
2. Sane kesinanggeh baya utawi Panca Baya luwire :
  - 2.1. Jiwa baya : keamuk, kebaak.
  - 2.2. Arta baya : kemalingan.
  - 2.3. Raga baya : kaplegandang, kepaksa.
  - 2.4. Geni baya : pun, linus.
  - 2.5. Dura cara ring agama.

#### P A W O S 49

1. Sehanan warga Desa sane katiban baya yogia digelis -  
atur supeksa ring Iprajuru utawi sang wenang memawos-  
in.
2. Sehanan warga desa sane uning wenten jadma melaksana-  
dusta mayanin patut digelis atur supeksa ring prajuru  
utawi ring Pemerintah Agung.

3. Yan prade katiban baya agong sang katiban baya utawi-sang amanggih baya inucap wenang digelis nyuarayang - kulkul tur atur supeksa ring iprajuru utawi kengin nunas pitulung ring Pemerintah Agung.
4. Sehanan warga banjar patut sayaga mapitulung ngerombosaha gegawan manut kewentenan baya punika, tur patut ngeromba sang keni baya manut dukkitannyane, sih dana miwah siyosan mangda sang kaduhkitan prasida polih katulungan.

## P A W O B 50

1. Yan pacang meseserep utawi ngeledahin ritatkala kemalingan utawi arta baya, patut nunas panguak dumun ring prajuru utawi Klian Banjar.
2. Maseserep tios bebanjaran utawi Desa patut polih panguak ring prajuru utawi Klian Banjar wiyadin Klian Desa inucap.
3. Iprajuru patut nuntun mangda tingkah-tingkah maseserep manut ring awig-awig.

## P A W O B 51

1. Sehananing wang melaksana dusta, sang ngawinang baya patut keni pamidanda, ketiba jampi ring sang kebayanin, nyangaskara manut kewentenan baya inucap, tur katur ring Pemerintah Agung.
2. Yan prade mayanin ngrusak utawi ngemaling druwe sanekesinanggeh suci, patut pamidanda punika mawewehin pe nyangaskara caru utawi prayascita.
3. Sang melaksana dura cara ring agama prade kacihnan manut tri pramana wang inucap keni pamidanda penegteg aksara.
4. Yan dusta saking dura Desa yan keejuk patut ketabanan raris keaturang ring Pemerintah.
5. Yan ana wang nguman-nguman wak parusia, wakcepala, krode mayuda ring sangkepan, ring pura, wang inucap patut keni pamidanda manut perarem.

## K A P I N G 6

P E N Y A N G G R A H A N B A N J A R

## P A W O S 52

1. Yening sinalih tunggil wenten ikrama Desa Adat Kemoning ngawentenang yadnya, merupa yadnya ala utawi yadnya ayu patut kesanggra olih ikrama banjar utawi ikrama Desa - manut pinunas sang meyadnya.
2. Yening yadnya punika merupa karya ala upami pitra yadnya patut ikrama banjar utawi ikrama Desa ngerombo sang kelabubaang manut deresta sane sampun memargi.
3. Rikala krama banjar utawi krama Desa mapitulung ring - sang madrebe karya psajine sasidan-sidan.

## S A R G A : IV

SUKERTAN TATA CARA AGAMA

## P A L E T 1

D E W A Y A D N Y A

## P A W O S 53

1. Luwir Pura-Pura sane wenten ring Desa Adat Kemoning --  
inggih punika :
  1. Pura Kahyangan Tiga :
    1. Pura Puseh.
    2. Pura Bale Agung
      - a. Pura Ulun Suwi.
      - b. Pura Masceti.
    3. Pura Dalem.
  2. Pura Dang Kahyangan :
    1. Pura Manikbingin
    2. Pura Tegeh.
    3. Pura Uluwatu.
    4. Pura Arak Api.
    5. Pura Manikapi.
  3. Pura Pesimpangan :
    1. Pura Batur.
    2. Pura Dalem Alit Kaja.
    3. Pura Dalem Alit Kelod.
    4. Pura Petinggar.
    5. Pura Dalem Sekar.
    6. Pura Dalem Sari.
  4. Pura Kawitan :
    1. Pura Pasek Gelgel.
    2. Pura Pasek Perteka.
    3. Pura Penataran Pande.
  5. Pura Paibon kewentenan ipun :
    1. Pura Ibu Caniga.
    2. Pura Ibu Nagi.
    3. Pura Ibu Gede.
    4. Pura Ibu Meranggi.
    5. Pura Ibu Sawan.
    6. Pura Ibu Mangku Sartini
    7. Pura Ibu (Kelaci).
    8. Pura Ibu Mangku Sadnya

9. Pura Ibu Mangku Bari
  10. Pura Ibu Mangku Merdika.
  11. Pura Ibu Mangku Pasek.
  12. Pura Ibu Mangku Made Ardita.
  13. Pura Ibu I Nengah Kowat.
  14. Pura Ibu I Ketut Gara.
  15. Pura Ibu I Nengah Suparta.
  16. Pura Ibu I Wayan Santa.
  17. Pura Ibu Pan Suti.
  18. Pura Ibu Pan Sibik.
  19. Pura Ibu I Wayan Sukra.
2. Pujawali ring Pura-Pura inucap ring ajeng, kadi ring sor :
1. Pura Kahyangan Tiga :
    1. Pura Puseh, Pura Bale Agung, Pura Ulun Suwi, Pura Masceti : Weraspati Umanis Dunggulan.
    2. Pura Dalem : Budha Umanis Medangsia.
  2. Pura Dang Kahyangan :
    1. Pura Manikbingin : Soma Paing Langkir.
    2. Pura Tegoh : Sukra Paing Dunggulan.
    3. Pura Uluwatu : Saniscara Pon Dunggulan.
    4. Pura Arak Api : Redite Wage Kuningan.
    5. Pura Manik Api : Soma Kliwon Kuningan.
  3. Pura Pesimpangan :
    1. Pura Batur : Anggar Kasih Medangsia.
    2. Pura Dalem Alit Kaja : Budha Umanis Perangbakat.
    3. Pura Dalem Alit Kelod : Anggara Kliwon Prangbakat.
    4. Pura Petinggar : idem
    5. Pura Dalem Sekar : Anggara Kliwon Medangsia.
    6. Pura Dalem Sari : idem
  4. Pura Kawitan :
    1. Pura Pasek Gelgel : Budha Wage Menail.
    2. Pura Pasek Perteka : Purnama Kapat.
    3. Pura Penataran Pande : Saniscara Kliwon Landep Sukra Paing Dunggulan.
  5. Pura - Pura Paibon :
    1. Pura Ibu Caniga : Redite Wage Landep.
    2. Pura Ibu Nagi : Budha Wage Klawu.
    3. Pura Ibu Gede : idem

- |                                 |                               |
|---------------------------------|-------------------------------|
| 4. Pura Ibu Meranggi            | : Budha Wage Klawu.           |
| 5. Pura Sawan                   | : idem                        |
| 6. Pura Mangku Sartini          | : idem                        |
| 7. Pura Ibu Kelaci              | : idem                        |
| 8. Pura Ibu Mangku Sari         | : Budha Wage Langkir.         |
| 9. Pura Ibu Mangku Sadnya       | : Budha Wage Merakih.         |
| 10. Pura Ibu Mangku Merdika     | : Budha Wage Klawu.           |
| 11. Pura Ibu Mangku Pasek       | : idem                        |
| 12. Pura Ibu Mangku Made Ardita | : idem                        |
| 13. Pura Ibu I Nengah Kowat     | : Seniscara Kliwon Kuningan.  |
| 14. Pura Ibu I Ketut Gara       | : Budha Wage Langkir.         |
| 15. Pura Ibu Nengah Suparta     | : Soma Wage Kulantir.         |
| 16. Pura Ibu I Wayan Santa      | : Anggara Kliwon Perangbakat. |
| 17. Pura Ibu Pan Siti           | : Budha Wage Klawu.           |
| 18. Pura Ibu Pan Sibik          | : Budha Wage Klawu.           |
| 19. Pura Ibu I Wayan Sukra      | : idem                        |
3. Pengamong mwang Pengemponia :
1. Pura Kahyangan Tiga :
    1. Pura Puseh, Pura Bale Agung, Yadnya rauhing pewangunanannia keamong utawi kaempon olih ikrama Desa-Adat Kemoning.
    2. Pura Ulun Suwi lan Pura Masceti, yadnya lan pewangunannia kaempon olih ikrama Subak Lemek.
    3. Ring Pura Dalem mwah Pura Raja Pati, yadnya lan pewangunanannia kaempon olih Tempek Kemoning Kaja, tempek-Kemoning Klod, tempek Budaga, tempek Galiran, tempek Ayung, tempek Br. Bajing, tempek Gununghyang, taler-wenten saking anak anaking tempek Br. Mergan.
  2. Ring Pura-Pura Dang Kahyangan sekadi inucap ring sor :
    1. Pura Manikbingin, yadnya lan pewangunania kaempon .. olih ikrama Desa Adat Kemoning, sane magenah ring kaler kangin, manut sekadi pipil sekaha Pura inucap.
    2. Pura Teguh, yadnya lan pawangunannia kaempon olih -- ikrama Desa Adat Kemoning, sane magenah ring kaler -- kauh manut ring pipil sekaha Pura inucap.
    3. Pura Uluwatu, yadnya lan pewangunannia kaempon olih- ikrama Desa Adat Kemoning, sane magenah ring tengah, manut sekadi pipil sekaha Pura inucap.
    4. Pura Arak Api, yadnya lan pewangunannia kaempon olih ikrama Desa Adat Kemoning, sane magenah ring tempek-Kelod, manut sekadi munggah ring pipil sekaha Pura -- inucap.

5. Pura Manik Api, yadnya lan pewanunannia keempon olih i - kerama Desa Adat Kemoning, sane megenah ring kelod kauh - manut sekadi pipil sekehe pura inucap.
5. Pura - pura Pesimpangan :
1. Pura Batur, yadnya lan pewanunannia kaempon olih kulawargania sedaya, manut sekadi pipil sekehe pura inucap.
  2. Pura Dalem Alit Kaja, yadnya lan pewanunannia kaempon - olih kulawargania sedaya, manut sekadi pipil sekehe pura-inucap.
  3. Pura Dalem Alit Kelod, yadnya lan pewanunannia kaempon - olih kulawargania sedaya, manut sekadi pipil sekehe pura-inucap.
  4. Pura Petinggar, yadnya lan pewanunannia kaempon olih i - kerama Desa Adat Komoning.
  5. Pura Dalem Sekar, yadnya lan pewanunannia kaempon olih - kulawargania sedaya manut sekadi pipil sekehe pura inucap
  6. Pura Dalem Sari, yadnya lan pewanunannia keempon olih ku lawargania sedaya manut sekadi pipil sekehe pura inucap.
5. Pura - pura Kawitan :
- Pura Pasek Gelgel, Pura Pasek Perteka Pura Penataran Pande - lan pura Paibon sami, yadnya lan pewanunannia yogya kaempon olih kulawargania sedaya manut sekadi pipil pura inucap.

PAWOS 54.

Ring soang-soang pura sawewengkoning Desa Adat Kemoning we - nang kewentenang pemangku sane pacang ngenterang/nuntun sehaning yadnya/pengastawan ring pura inucap.

1. Wiwitania sang dados pemangku :
  - 1.1 Mawiwit saking keturunan pemangku.
  - 1.2 Yan tan ana saking keturunan wenang nyanjan utawi nunas bawos ring natar pura.
  - 1.3 Sang cedangga tan wenang dados pemangku.
  - 1.4 Sang amungpang paraning laku tan wenang dados pemangku.
  - 1.5 Kararemin olih isekahe tur melarapan suara gilik sagu luk.
  - 1.6 Tur pawintenania kepuputang olih Ida Sang Sulinggih.
2. Yan sampun wus pawintenania wenang ngerangsuk gegelaran - pemangku patut kaping singgih manut wigunania ngemargiang awadarmaning pemangku tur tan ngelepasin linging sastra - lan agama.

PAWOS 55.

SWADARMANING PEMANGKU :

1. Aswaka Dharma astiti bakti ring Ida Sanghiyang Widhi.
2. Ngenterang .....

2. Ngenterang wiyadin ngastawayang sehanan upakara/upakara - ring pura ritatkala petititan utawi yadnya sane siwosan - ring pura.
3. Ngelaksananya yang sane mebuat suci ring purakalaning nedu - nang utawi ngelinggihang Ida Bethara.
4. Ngaturang pesucian ritatkala purnama tilem lan pererahi - nan Ida.
5. Nuntun kerama mangda setata bakti ring sanghyang Widhi ma - nut kecaping agama.
6. Pemangku-pemangku Desa wenang nyiratin tirtha ring kerama - Desa, sakewanten ring kerama sane kesinggihang patut sang - kaning keluarga olih sang kasiratin.
7. Pemangku-pemangku paibon wantah kawenangania ring kerama - nia soang2.

PAWOS 56.

1. Ritatkala nganter yadnya ring pura Desa, Pemangku Pura - inucap patut :
  - Polih pengerombo saking pemangku-pemangku Dang Kahya - ngan/Pemangku sanak.
  - Yogya niwakin pituduh ring mangku Sanak lan marep ring - kerama Desa.
2. Yan perade pemangku sane marep keni kapialang jantos tan - peresida ngemargiang upacara ring pura, patut upacarane - kemargiang olih Pemangku Desa sane siwosan utawi yogya - nuur sang Sulinggih.
3. Yan ana Pemangku keni ujarala, ulah ala, pemangku inucap - patut keperascita manut agama, sang maweh ujar ala lan - ulah ala wenang keni pamidanda manut perarem.
4. Yan ana kebuktinang amungpang paraning laku, nyasar ring - sesana Pemangku inucap tan wenang kesepuh.

PAWOS 57.

Petititan lan olih-olihan Pemangku luwirnia :

1. Kaping singgih Kerama manut linggih tur sesanania.
2. Polih pah-pahan sesari manut perarem.
3. Polih petiyas siwosan saking aturan ikerama manut perarem.
4. Polih pah-pahan pemupu saking bukti/pelaba manut perarem.
5. Leluputan peson-peson ayah manut perarem.
6. Keupakara antuk Desa indik pengupakara pawentennania lan - pemerascitania.
7. Keupakara pitrayadnyania kiwekas antuk Desa tur pemargi - pitrayadnyania kelaksananya yang ring pepatusan sane ngawida - ngin.

1. Sehananing aturan-aturan utawi sesangi, aturan sesari, aturan artha mule-mule miwah sekeluirnia patut kedruwe antuk-pura inucap.
2. Sehanan Sang sane maturan ring pura inucap patut mesedek - ring Kelian pura inucap, wus keastawayang ring pemangku aturan inucap patut keunggahang ilekita, tur keuningang ring-Kerama Desa.
3. Sehanania sekadi ucap ring ajeng wenang keangge ring pura-inucap manut tetujon.

PAWOS 59.

1. Ngentosin Pemangku mawiwit sangkaning ring sor :
  - Jero Mangku seda.
  - Jero Mangku keusanang sangkaning kenoroyang saking melak sana dusta.
2. Yan pemangku keusanang sangkaning kenorayang, Pemangku inucap patut keni pamidanda, tur ngowaliang pamereteka pawintenaia.
3. Perade Jero Mangku malih ngalap rabi sangkaning rahayu, Pemangku patut malih nyepuhin raga tur ketodia antuk prejuru Desa.

PAWOS 60.

Kesukertan Kahyangan kadi ring sor :

1. Sehanan kerama Desa patut Nureksaian raga mangde kesukertan Kahyangan polih kesucian.
2. Sane tan lugra ngeranjing kepura :
  - Sang kasinanggeh cuntaka/sebel.
  - Sang kasinanggeh petile sadurung keperascita.
  - Sato ageng sejeroning mepade.
  - Mebusane sane tan patut manut tata susila lan agama.
  - Sang sane makta bebuat sane kasinanggeh leteh manut agama
  - Sehananing sane tan kepatutang manut perarem.
3. Sane kesinanggeh petile luiripun :
  - Panak bebinjat, beling tan wenten ngangkenin, jadma buduh.
  - Memitra ngalang, sakit ila lan sekancan cendala siwosan.
4. Sehananing peretingsah lan laksana sane tan dados ring pura:
  - Mesumpah utawi nahap cor, sejawining sangkan petuduh saking prejuru.
  - Meujar ala, ulah ala, wakparusia.
  - Majuadi. mecikang wastera, mecikang pusung muang sane siwosan.
  - Mekabotan, memarih, mekolem lanang isteri sinarengan, mecece pin rare.
  - Mangan kinum rauh ketaluhan, lan sehananing jejudian.
5. Yan kebuktiang wenten kerama sinalih tunggal melaksana sane ke bawos ngelethin kadi ucap ring ajeng, wenang keni pamidanda, yan kebawos banget ngelethin, kang inucap keni pamidanda lan pemrascita kahyangan inucap.

6. Yan Kahyangan inucap ping ajeng keni kedurmengalen kadi ring sor :
- panca kerubuhan, kesiratan rudira, kehanan wangke sato-ageng, wangkoning manusa, sehananing lulut lan simbar, patut pemangku digelis nyadokang ring perejuru, mangde-marumang kerame Desa adat, pacang ngewentenang pangupakara sepatutnya, manut penugeraha sang Sulinggih.
7. Yan ana kerame Desa sianalih tunggil kerahuan ring pura - patut digelis kepintonin antuk keweruhan manut lan kecaping sastra lan agama, muktiang jati tan jatinia sang kerahuan inucap. Yan tan jati kerahuan patut keni pamidanda manut perarem.
8. Yan ana wong edan janto ngerusak ring pura, wong inucap utawi kepatutania patut mecikang sehananing sane rusak-tur pemerascita manut agama.
9. Ritatkala kewentenang upakara yadnya ring Kahyangan tan wenang ngangge kaset duaning tan manut kecaping agama.

RESI YADNYA (PALET 2).

PAWOS 61.

1. Sang pacang mepodgala utawi medwijati sadurunge patut; po lih penugrahan saking parisada Hindhu Dharma lan Kantor agama, makacihna sang pacang mepodgalan inucap sampun wus ketetenain, ketureksain indik sehanan kewentennania/paweruh lan pawongania tan ngelempasin kadi kecap sastra drestha, sulaksemina, kaweruhan manut agama lan sesana sane pacang kemargiang.
2. Prejuru patut nitenin/nureksain mungguhing kewentennania, anggalan laksana sang pacang mepodgala, mangda jati tan lepas ring kecaping Agama.
3. Yan perade lepas ring kecaping Agama Iperejuru wenang tan ngeraremin.
4. Risampun puput upakarania tur nabeh Ida sampun mepica parab, Iperejuru patut ngawedar indik lan pemargin sang putus medwijati.
5. Sang mewinten sane pacang ngemargiang Nyonteng, Dalang, - ngusadanin patut mesadok ring Iperejuru, Iperejuru wenang ngawas nitenin kawentennania tur nyaksiang u pakarania. Selanturnia Iperejuru wenang ngawedar indik tetujon pamingin sang inucap, rauhing ring wates wewidangania. Peradenyasar/lepas ring kecaping agama Iperejuru wenang ngandeg upakarania.
6. Ida Sang Putus sane keadegang pinake Siwa(Guru Loka Pala-Seraya) antuk Desa kepatut kadi ring sor ;
  - Upakara pediksaan lan pretiwan Ida riwekas kelaksanayang antuk kerama.

- Pinaka penuntun Ikerama Desa ring indik Tatwa lan upakara agama.
- Muputang pakara ring khayangan utawi upakara ring ikerama desa.
- Pinaka kertha desa patut metetiwak pengaskara, pemerasci-ta ring sang duskerthi.
- Kerama pinih singgih genah ida tur patut katuran pengersi bojana.
- Tan patut muputang upakara/yadnya sane kantun sejeroning-wicara.

PAWOS 62.

1. Prejuru yoga nuntun ikerama Desa mingsinggihang/mekukuhang linggih sang para wiku, para pemangku, lan sejana sami ma - nut linggihnyane.
2. Kerama Desa patut ngaturang punia ritatkala wus ngaturang - pemuput yadnya.
3. Kerama Desa patut meteleb nunas ring Ida Sang Pandita, muah sang sejana sane presida mawesana kesutrapetianing Desa ma - nut kecaping agama.
4. Ikerama Desa ritatkala Ida Sang Su linggih medrwe karya sa- luiiring swarajakarya Ida, patut ngaturang punia ring Ida ra - uh riwekas.

PAWOS 63.

1. Kerama desa Adat ketuntun olih Iperejuru wenang nitenin se- paripolah sang muput yadnya :
  - Mangde sehanan yadnya sane kewentenang medonnan, nanging- mangde manut ring kecapaing agama.
  - Mangde tan nyasar laku, tan manut ring swedarman kalih se - sanania.
2. Yan perde wenten sane tan manut napi malih nyasar laku meda sar tripremana(Bukti, i liki ta, saksa) Pemangku, Pandita - utawi nabenia patut ketunasin pemutus sane patut.
3. Tetiwak sang nabe sane sampun kesangre/kekukuhang olih sang ngawarat utawi Jawatan Agama, pinaka pemutus sane pinih pas tika.

PALET 3.

PITRA YADNYA.

PAWOS 64.

1. Sehanan upakara pemereteka sang lampus kebawos Pitra yadnya sekadi : Mersi hin sawa, mendem, ngeseng sawe, atiwa tiwa - kelanturang antuk pengoraras, rauh ngelinggihang ring parh- yangan Dewa Sang Bhetara.
2. Mendem sawe utawi ngeseng :
  - Genah.....

- Genah mendem ring setra ugi.
- Ida Sang Sulinggih wenang polih linggih atiwa-tiwa manut dresta.
- Pemargi padewasaan mendem utawi atiwa-tiwa, taler kapidab, dab nganutin paetangan desa, kala, patera ; pangutangannia nganutin wariga drestha, pasah, purnama, tilem, kala gotongan lan semut sedulur tan kalugra mendem.
- Yan perade sang kelampusan kewentenannia kobet, kelugra me kingsan premangkin sejawaning pasah. Pemargine mendem mangde inganan sampun sore tan nyuarayang kulkul, tan peupakara, sesiliban tur tan ngangge gegumuk. Pemereteka sang lampus inucap kelaksanayang ring panemaya padewasaania, manut penugrahan Ida Sang Sulinggih.
- Yan ana kerama kelampusan rikala wali ring kahyangan, pemargine mendem mangde sampun puput ngaturang wali,

#### PAWOS 65.

1. Perade lampus sangkaning salah pati, ulah pati, utawi siwosan<sup>37</sup> sekancania kengin kebakta budal, pameretekania wantah abersihan, tur kesanggra olih banten pengulapan lan penebusan, punika patut kekingsanang sejawaning pasah peremangkin, riwusan asasih pitung rahina, wenang kepreteka patut bebantennia.
2. Yan ana wang pawestri bobot lampus, tan wenang kependem sadurung bobotania embas, pasah, purnama, tilem, kala gotongan.
3. Perade wenten wang pendem ring carik, tegalan, sang madruwe kepatutan utawi waris, patut keni pemerascita lan pecaruan selitnia amanca warna tur kelaksanayang ring genah inucap, mesenger asasih pitung rahina, tan peupakara, sesiliban tur tan ngangge gegumuk.
4. Yan wang pendem inucap ring ajeng tan keni elingan, wenang katur ring sang ngawerat (Pemerintah), mungguhing upakara, pemerascita ring desa kelaksanayang olih ikrama Desa.
5. Yan ana ngangkenin sang pendem inucap ring ajeng, wang inucap patut keni pengupekara paletahan inucap.
6. Perade yan ana anak siwos keabenang ring desa Kemoning, yadiapin nyarengin krama marep ring Desa Kemoning, patut keni penanjung batu lan penukun setra, tur tan polih penyanggra ikrama banjar.
7. Yan ana kerama ayat ngaben dadakan tan wenang nyekung sawa lintangan ring 7 (pitung) rahina.

#### PAWOS 66.

1. Swadarmaning kerama ritatkala kelayuan.
2. Swadarmaning krama sane kelayuan, patut digelis nyadokang ring prajuru, pacang nunas tetimbang indik tetujon pemargine manut kewentenan ipun.

2. Swadarman perejuru patut maritotes pemargin sang pelayuan manut kewentenannia, tur nyuarayang kulkul manut tatujon.
3. Swadarmaning kerama sane siwosan patut sayaga nedunin patus, tur ngerombe sehananing karya sang kelayuan manut dresta.
4. Ritatkala mersihin sawa, ngemargiang sawa kesetra saha upak<sub>a</sub> rania tan wenang mewig-wiggan (mengarap-garapan lan wegig sa-  
ne siwosan) mapan tan manut ring putusaning parisadha, napi-  
malih ngantos ngerusak yadnyan sang kelayuan.  
Yan ana kerama sinalih tunggil memurug kecaping iki, wenang-  
keni pamidanda manut perarem.

PAWOS 67.

1. Kang sinanggeh cuntaka tan wenang ngeranjing sejeroning ge-  
nah suci.
2. Luwir sang kehanan cuntaka.
  - Ngeraja swala, ngembas putra, keruron, kelampusan, nyambut karya pitra yadnya ngawit saking ngulapin, pengantenan se-  
durung mebiyakala, miwah cuntaka sane siwosan manut pema-  
rgi.
3. Sengker cuntaka manut kewentenannia, kadi ring sor :
  - Ngeraja swala, 3 rahina ngawit saking ngeraja swala utawi-  
selamening ngeraja swala.
  - Ngembasang putra, 42 rahina, ngawit saking putrane embas,-  
utawi ngantos sampun keupekara mekekambuhan tur meprascita  
manut agama, yan sane lanang akepusan odel.
  - Keruron, 42 rahina ngawit saking keruron.
  - Kepadaman cuntakania saking kependeman sekadi :
    - Sebel bebanjaran rauhing 3 rahina riwusnia mendem.
    - Kulewargania sejeroning pekarangan ngantos 11 (solas) ra-  
hina.
  - Sang nyambut karya pitra yadnya cuntakania ngawit saking -  
ngulapin rauh riwus yadnyannia.
  - Ritatkala nyambut karya ring pura dosa, sane polih pialang  
sebel wantah sang ngarepin kewanten.
4. Sane tan keni cuntaka sesobelan sekadi ring sor :
  - Ida Sang Bulinggih.
  - Para Pemangku Kahyangan.

PAWOS 68.

- Bacakan sawa sane dados kebenang :
- Sane sampun mayusa apupak, sawa sane tan kebawos letuh.
  - Sang durung apupak kepatut ngelungah.
  - Sawane sane kebawos letuh wenang kebenang riwus sengkernia -  
tur keprascita manut sekadi kecaping agama.

P A L E T 4.INDIK MANUSA YADNYAPAWOS 69.

1. Manusa yadnya inggih punika upacara/upakara darmaning manusa ngawit saking petemoning kama bang kelawan kama putih, sejeroning garba wasaning ibu, jantos lampus riwekas.
2. Upacara/upakara ring ajeng luwire :
  - Megedong-gedongan, tatkala rare wawu embas, kepus odel, tutug akambuhan (42 rahina), rare meyusa tigang sasih, rare-meyusa aweton, mekepit rambut, tutug kelih, mepandes, mewiwaha, mewinten/medwijati.
3. Upacara inucap ring ajeng nganutin kecaping agama, nista, madia, utama, pemargine nganutin drestha sima cara ring Desa - Adat Kemoning.

P A L E T 5.INDIK BUTHA YADNYAPAWOS 70

Butha yadnya inggih punika sehanan upacara/upakara pebiyakalan-ring pertiwi lan kahyangan muang sarwa butha kala.

1. Upacara Pabiyakala ring sarwa perani, luwire :
  - Sarwa tumuh ring Tumpek Wariga.
  - Sarwa prani/ingon-ingon ring Tumpek Uyei.
2. Upacara/upakara Pebiyakalaan ring pertiwi miwah kahyangan - lan sarwa butha kebawos mecaru, luwire :
  - Eko sato, manca sato, manca sanak, pemalik sumpah, tawur kesanga, yadnya sesa, (ngejot kalaning wus meratengan).
3. Sejeroning munggah ring ajeng malih pebiyakalan marep ring manusa manut wigunania.
4. Malih ring Tilem kesanga kewentenang tawur kesanga ring Desa, tur prejuru patut nunas Tawur ring Payadnyan Klungkung (alun-alun Klungkung).

PAWOS 71.

Upacara Tawur kesanga utawi Tilem kesanga patut kelaksanayang - kadi ring sor :

1. Ring perapatan Desa Adat kewentenang pecaruan jagat, agung - alit pengambilane nganutin desa, kala patra, sane sampun kelaksanayang olih Pemerintah Kabupaten Klungkung.
2. Ring sowang-sowang paumahan nganutin tetiwak saking Parisadha.
3. Nyoreang ngawentenang pengerupukan mebuu-buu, tur kapidabdab olih iprejuru.

4. Ring rahina penyepian patut ngomargiang beratha penyepian -  
sekadi :
  1. Amati geni.
  2. Amati karya.
  3. Amati lelungayan.
  4. Amati lelanguan.
5. Pemargin berathane manut kewentonan desa, kala, patra, saha ketuntun olih iprejuru, utawi sang sane kasudi, ngawit beratha penyepian mecihna antuk suaran kulkul.
6. Sane memurug beratha penyepian patut keni pamidanda manut -  
perarem sejawining sane polih lelugrahan manut wigunania -  
kalih pekobetania, sala lingga tangan saking prajuru.
7. Rahina benjangne semeng, ngombak beratha mecihna antuk suara  
ran kulkul.
8. Ring rahina pengembak geni, mapitoges pengelukatan beratha-  
semadi, sowang-sowang kerama patut nunas pangaksama ring ka-  
dangnia, lan makacihna pengawit dewasa Isaka Warsa.

S A R G A V  
SUKERTA TATA PAWONGAN  
PALET 1.  
INDIK PAWIWAHAN  
PAWOS 72.

1. Pawiwahan inggih punika panunggalan purusa lan predana (lanang istri) malerapan antuk panunggalan suka cita kaduluran antuk - upasaksi sakala lan niskala.
2. Pidabdab pawiwahan ring Desa Adat Kemoning, ngemanggehang pe - margin purusa, kapatut sang purusa sane nglap rabi tur kapauma hang ring sang kapurusa.
3. Pemargin pawiwahan wenten palih-palih ipun :
  - a. Pepadikan (kemanggala antuk pekraman).
  - b. Ngerangkat (ngerorod ; manggi rihin sasiliban, wus punika- wawu kakrunayang).
  - c. Nyeburin, sang purusa kapretisentenayang kemargiang pawiwahan ring sang predana.
4. Pidabdab sang pacang mwiwaha luwira :
  - a. Sane sampun munggah truna/deha.
  - b. Sangkaning suka cita, lan tan kaparikosa.
  - c. Yan ngambil sewos agana, patut kemanggala antuk bebanten pe nyambutan.
  - d. Nganten kecaping agama.
  - e. Mangda nganutin daging undang-undang perkawinan sane kawentenang antuk anake agung.
5. Yan tan satinut kadi kecaping arep, tan kasinungguh sah, tur - kapalasang, raris keni pamidanda nganutin paswara.

PAWOS 73.

Tata cara perabian ring Desa Adat Kemoning.

1. Sang pacang merabian ngewarangang keluarganyane, patut mase - dek ring Klijan Banjar indik pewartangane.
2. Pemargin indik pepadikan.
  - a. Mekruna ping tiga luwira ; ngdih ping kalih, pengambilan.
  - b. Yan ritatkala pengambilan, wargan sang predana lan purusa - ngerauhang Klijan Adat, pinaka saksi.
3. Prade ngerangkat/ngerorod, sang sane ngambil anak istri, patut ngemargiang sekadi ring sor :
  - a. Mapasedek, tan kasepan ring awengi.
  - b. Ngawentenang pangelukuan ping tiga manut tata cara, saha dulurannia.

4. Wus pengambilan, yan sampun manut, wargan sang istri masedek ring Klian Banjar jaga nyuarayang kulkul, wiyadin semeton - sang istri sesampune kewehin antuk Klian Banjar, sajawining- Klian Banjar tan wenten.
5. Yan sampun pang tiga makruna pangelukuanian<sup>2</sup> durung puput, - wenang sang ngambil rabi nyedekang pamarginnyane ring Klian- Desa Adat wiyadin ring anake agung.
6. Yening wenten wong sudra ngambil istri ttiwangsa, kengin sang sane ngambil masedek ring Klian Adat nunas mangda mapesedek- ring sane madrebe oka istri taler kawewehin antuk rerepi sang alaki rabi.

PAWOS 74.

1. Sang kaicalan pianak istri, yan durung wenten pasedek sajero ning awengi, yogya digelis masedek ring Klian, nunas pamitu- lung pacang maseserep.
2. I Klian ngenterang pemargin maseserep tur mangda nganutin - tata kramaning desa.
3. Paseserep patut sampun polih waktwakan i klian.

PAWOS 75.

1. Manut ring undang-undang perkawinan, sane sampun kasungkemin, sang lanang patut marabi asiki, sajawaning wenten pasubayan- sane kawehin antuk kabine pinih rihin.
2. Yan wenten jadna istri daha mobot, patut digelis kasadokang- ring klian adat tur digelis kajangkepang antuk i klian ring sang mobotin.  
Prade tan manut kocaping arep, wargan sang kabobotin wenang- ngaturang ring anake agung.
3. Prade tan wenten sane ngankenin mobotin sang mobot, keluar - gannyane patut keni pemerastista ring desa, tur kaupekara ra rene manut agama.

PALET 2.

INDIK NYAPIHAN

PAWOS 76.

1. Sang wus merabian palas tan sida satime alaki rabi kebawos - nyapihan, yan wus merabian sangkaning padum kebawos balu.
2. Sang pacang nyapihan sesampune keschang antuk guru wisesa, - wenang kewedarang ring banjar utawi ring desa antuk i klian- adat.

PAWOS 77.

1. Yan riwekas sang nyapihan malih adung tur mawiwaha, patut ke ni pamidanda manut paswara.

PAWOS 78.

1. Balu luh katinggal lampus antuk suaminia utawi balu sane pecak nyeburin, patut ngemargiang swadarman kadi ring sor :
  - a. Ngemanggehang kepatibratan, tandretikrama.
  - b. Ngemarginin sehanan ayah krama.
  - c. Ngeraksa tur nguasayang lan miara sehananing wewarisan lan setanannia.
  - d. Tan dados ngadol wewarisan sedurunge polih wakwakan saking-kula wargan rabine saking purusa.
  - e. Kawenang malih mawiwaha yan sampun kapaigumin antuk oka deha teruna lan keluarga kapurusa.
2. Balu sane tan pageh ring swadarman luwire :
  - a. Matingkeh dretikrama, miwah sane siwosan.
  - b. Matilar tan pasadok ngantos langkung ring 6 sasih.
  - c. Lempas ring swadarmaning balu utawi salah prawerti.
3. Balu sane tan pageh kadi ucaping arep, wenang katundung olih - wargania kapurusa saha tan polih pahpahan waris.
4. Prade wenten balu tan pasentana, katundung olih wargania kapurusa, patut polih pahpahan paguna kaya.

PALET 3.I N D I K S E N T A N APAWOS 79.

1. Mungguhing sentana wenten kaucap : preti sentana lan sentana - peperasan.
2. Yan wenten perabian sane tan manut jantos ngewetuang sentana, mangda tan kaucap astra utawi bebinjat yogya kemenggala antuk upakara.
3. Prade pawiwahanne tan ngawetuang sentana, kengin ngedih sentana antuk upesaksi sekala niskala, sane kewastanin sentana peperasan.

PAWOS 80.

1. Yening wenten sinalih tunggil ikrama Desa jagi ngangkat sentana kepatut ngemargiang artabrana peperasan saha kesaksiang sekala niskala.
2. Sapa sira ugi pacang ngedih sentana patut masadok dumun ring Klian Banjar adat.
3. Klian Banjar Adat patut masadok ring Klian Desa Adat.
4. Klian Desa Adat digelis nyiarang ring i krama Desa sami, Sang rumasa tan lila patut nyadokang ring I Klian Desa Adat sajero ning 3 (tigang) sasih.
5. Yening sampun rawuh sengkeripun sane tigang sasih, irika - I Klian Desa Adat mawosin utawi ngicenin pamutus manut sekadi kawentenannia.

PAWOS 81.

1. Sane patut kaperas anggen sentana kadi ring sor :
  1. Sang kaperas kepatut sane megama Hindu Dharma.
  2. Saking waris pancer kapurusa.
  3. Sinalih tunggil mawiwit saking keluarga tunggal sanggah - utawi merajan, paibon lan dadia.
  4. Yening tan wenten saking pancer kapurusa kengin mawiwit sa' king keluarga sapa sira ugi.
2. Peperasan punika sinanggeh sampun puput tur patut yening sampun macihna :
  1. Pawidhi-widhanaan peperasan.
  2. Kesaksinin antuk Klihan Desa Adat, saha kasiarang ring paruman Desa.
  3. Wenten ilakita ungguhan tata sulur peperasan.
3. Yening jagi ngewentenang peperasan tan kapatut ngencah patus.
4. Deha tua utawi teruna tua kangkat neras oka, manut ucap ring ajeng.

PAWOS 4.INDIK WARISANPAWOS 82.

1. Sane kasinanggeh warisan inggih punika : tetemian arta brana saha ayah-ayahan ngupadi sukerta sekala niskala saking kaluhurannya, arep ring turunanya.
2. Sane kaucap warisan luwira :
  1. Duwe tengah, karang paumahan, pemerajan.
  2. Pagunakayaan, tatadan, jiwadana, lan utang piutang.
3. Wawu kengin kebawos warisan, prade :
  1. Wenten sang mapiturun warisan.
  2. Wenten turunannya utawi ahli waris.
  3. Wenten arta brana miwah tetegonan utawi ayah-ayahan merupa warisan.
4. Sane kobawos waris inggih punika :
  1. Preti sentana lanang.
  2. Sentana rajeg.
  3. Sentana peperasan lanang utawi wadon.
5. Prade tan wenten sekadi ring ajeng, kang sinanggeh waris :
  1. Turunan purusa pernah ngunggahang, mekadi rerama dia, rerama dimisan, rerama dimindon.
  2. Turunan purusa pernah kesamping, mekadi keponakan, misan, mindon.

PAWOS 83.

1. Swadarmaning waris patut nerina saha ngusahayang tetamian ayah ayahan saking keluhuranne nekadi ngerempon sanggah, pura dadia, pura kahyangan, saha pekarangannya.
2. Ngabenang sang kewarisin saha ngelenturang upacara pitra yadnya sepatutnya.
3. Nawurin utang-utang sang kewarisin pamakas utang ring desa wia-  
din ring pura lan utang-utang sane siwosan.

PAWOS 84.

1. Pangepahan warisan kangkat kenanggih sekadi ring sor :
  1. Risampun ngelaksanayang pitra yadnya lan utang piutang sang kewarisin sampun buntas ketawur.
  2. Warisan sangkaning arta brana paguna kayaan kaepah pada. Karang ayahan desa kaenong antuk waris kang sinanggeh pinih marep.
2. Sinalih tunggil waris ring ajeng tan polih pahpahan wewarisan prade ipun :
  1. Alpaka guru rupaka utawi guru swadiyaya.
  2. Merupa sentana rajeg sane sampun kesah mawiwaha malih.
  3. Merupa sentana lanang sane mawiwaha nyeburin kepekurenan -  
lian.
3. Sentana waris sane nilar agama Hindu Dharma kangkat polih pah-  
pahan waris paguna kaya kemawon, tan pesan kangkat ngambil ka-  
rang ayahan desa.
4. Yening wenten sentana luh ngelaksanayang lokikasanggraha (nyu-  
lih polah) mewastu medrebe pianak kewastanin sentana alpaka -  
guru. Yan pianak ipune keakuin ring pengelingsirnya kengin i -  
pianak punika ngewaris paguna kayan rereman ne luh kemawon.
5. Sane kangkat ngewaris penupu kemawon :
  1. Balu luh.
  2. Balu muani. sane mawit saking ngerorod nyoburin.
  3. Sang mulih deha, seantukan ring pawiwahanne dumun sampun ka-  
ucap ninggal kedaton.
6. Sekantune maurip ipengelingsir keangkat ngewehin jiwa dana ta-  
tadan utawi bekel maka cihna paweweh ring pianake sane kesah -  
mawiwaha.

PAWOS 85.

Prade sajeroning keluarga wenten waris langkungan ring adiri pa-  
tut :

1. Kawentenang paigum indik pedum waris inucap.
2. Yening tan praside katutasang tatimbang ring Kliwon Desa Adat.

3. Prade tan wenten taler nganutin ring panepas Klian Desa - Adat, kengin nunasang ring sang rumawos.

PAWOS 86.

Prade wenten karang kaputungan wenang iklian Desa Adat utawi : -  
Kerta Desa Adat mawosin tur nureksa sila-silannya saha nibakang  
karang punika ring :

1. Waris saking kapurusa,
2. Peperuah kesamping, yaning tan wenten pernehan waris ngungga-  
hang.
3. Yening tan wenten kadi kocaping arep, wawu kengin katiwakang-  
ring sang tan madrebe tanah paumahan, sane kasinanggeh krama-  
ngarep, mapatunggalan Desa Adat Kemoning much megama Hindu -  
Dharma. Sang katibakin karang punika wenang mereteka sang pe-  
cak madrebe karang inucap, manut ucaping agama.
4. Deha tua sane rajeg, wenang polih wewarisan keh ipun asuhun.

SARGA VI  
WICARA LAN PAMIDANDA

PALET 1.

INDIK WICARA

PAWOS 86.

1. Sane patut mutusang wicara ring Desa Adat Kemoning, inggih punika sang kapianggeh Kliian Banjar wiadin Kliian Desa Adat.
2. Pamutus indik bebawos nganutin daging awig-awig, patitis lan pamikukuh Desa Adat Kemoning.
3. Prade indik wicara tan prasida molihang pamutus olih ikliian Banjar wiadin i Kliian Desa Adat, patut wicara puniki katur ring ikrama Banjar marep utawi ring Desa Adat Kemoning.
4. Malih yan wicara inucap tan prasida molihang pamutus ring Desa Adat Kemoning, sang mewicara punika tan komanutang.

PAWOS 87.

1. Sehananing wicara sane ngawetuang laksana corah, baya, nungkas awig-awig sane kabawos angusak asik Banjar wiadin Desa Adat Kemoning, patut kebawosin untuk Kliian Banjar utawi Kliian Desa Adat, tur keni pamidanda manut ring perarem.
2. Malih yan wenten sinalih tunggil ikrama Desa Adat Kemoning mewicara nyewanggara wiadin ngawentenang bebawos kawon, ngawetuang manah sungsut, ring anak siwos patut digelis kebawosin untuk ikliian Banjar utawi ikliian Desa Adat sesampune wenten nyadokang.
3. Pamutus patut pastika, nyantenang kaiwanganya utawi tan lempas ring daging awig-awig Desa Adat Kemoning.

PALET 2.

INDIK PAMIDANDA

PAWOS 88.

1. Banjar-banjar utawi Desa Adat Kemoning wenang nibakang pamidanda ring krama sane sisip.
2. Indik patetiwak pamidanda patut ngelaksanayang olih Kliian Banjar utawi Kliian Desa Adat Kemoning.
3. Pamidanda punika wenten bacakan ipun sekadi munggah ring sor :
  - a. Panca Pamidanda luwire :
    1. Tulak melincir.
    2. Pangererengo.
    3. Melencerin.
    4. Penyagsag wirasa.
    5. Angrugada Kliian.

Sowang pamidanda inucap ring ajeng gung arta 550 (limang-atas seket) jinah bolong.

b. Pamidanda siwosan luwire :

1. Ayah-ayahan panukun kasisipan.
2. Danda arta (dedosan saha panikel-nikelannya utawi panikel paturunan).
3. Pengupakara lan pengaskara.
4. Rerampagan (melelang).
5. Ngewaliang tanah pekarangan Desa.

Gung alit pamidanda inucap ring ajeng manut daging pemu-tus peparuman.

4. Malih indik jinah utawi rajabrana saking pamidanda kasinanggeh druwen Banjar wiadin druwen Desa Adat Kemoning.

#### PAWOS 89.

1. Yan wenten sinalih tunggil krama Banjar wiadin Krama Desa Adat Kemoning tan nawur paturunan utawi dedosan risampune rawuh panemayan pacang nawur patut keni panikel amadena.
2. Ring indik dedosan. Yening sampun rawuh panemayannya pacang-nawur nanging tan prasida ketawur kangkat nyager sakewanten-keni degel apah selawe tur nawur pianak jinah apah seketan-nyabran asasih.
3. Malih yan indik dedosan lan paturunan sesampune nikel amadena taler tan prasida ketawur ngantos asangkepan, punika malih katikelang sawit.
4. Yening patikelan sawit sampun kemargiang taler tan prasida ketawur sajeroning waneng I Klian Banjar utawi I Klian Desa Adat patut ngelaksanayang rerampagan.
5. Tata cara ngelaksanayang rerampagan manut kadi ring sor :
  1. Sadurung ngelaksanayang rerampagan patut I Klian Banjar utawi I Klian Desa Adat mapesadok ring sang pacang kerampag.
  2. Pemargi rerampagan kelaksanayang olih i Klian Banjar utawi I Klian Desa Adat, kesarengin olih krama seakeh 5 (limang) diri pinaka saksi lan ngerombo I Klian.
  3. Sang ngerampag mangda sangkaning darsana ngambil druwen sang kerampag utawi nyawenin tanem tuwuh seakehnya manut ring utang sang kerampag.
  4. Rerampagan kemanggehang ring ilekita tur kesaksiang.
  5. Klian Banjar utawi Klian Desa Adat miteketin sang kerampag mangda digelis nebus sedurung waneng manut ring perarem.

6. Yan tan prasida katobus olih sang kerampag sajeroning waneng punika, padruwonna wenang kalelang olih I Klian Banjar utawi I Klian Desa Adat.

7. Jinah lelangan punika koanggen nuku utangya ring Banjar utawi ring Desa Adat tur kawewehin antuk prabea rerampagan, sissannya kewaliang ring sang kerampag.

Sane wenang kerampag wantah barang sane kebawos kasugian.

Yan sang kerampag ngalengin pemargi rerampagan inucap, wang inucap macihna tan nganutin awig-awig Desa Adat lan patitis Desa, - lempas swadarmaning krama wang inucap wenang kedaut pipilnya - ring Banjar wiadin ring Desa Adat saha kedaut druwen lan ayahannya, antuk krama Banjar wang inucap kebawos nora tur tan polih-pengayom krama Banjar.

Pamidanda sisip kadi ring ajeng prasida purna yan sang sisip - sampun :

1. Matur piuning tur nunas pengampura mejalanan antuk banten pejati katur ring Pura Desa.
2. Nunas geng sinampura ring Krama Banjar utawi ring Krama Desa Adat, riantuk purun nguwak pasubaya utawi pasuara ring peraroman.
3. Nawur pamidanda luwire :
  - Tulak mincir.
  - Pangererongo.
  - Melencerin.
  - Penyagsag wirasa.
4. Nawur utangya duk pacang kerampag tur mapeweweh apah dasaan, wang inucap mewali katerima sekadi krama Banjar wiadin Desa-Adat Kemoning.

SARGA VII  
NGUWAH KALIH NGUWUHIN AWIG-AWIG  
PAWOS 90.

1. Nguwah kalih nguwuhin awig-awig puniki patut kelaksanayang-  
antuk perareman Kerama Desa Adat Kemoning.
2. Perareman inucap patut melarapan gilik sadulur perareman -  
krama Desa Adat Kemoning.
3. Pemuat kebakosang prasida yan sampun keramane gilik sadu -  
lur utawi kengin mejalaran pasuara (wewilangan suara).
4. Yan mejalaran antuk wewilangan suara gagatnya sekadi ring  
sor :
  - a. Krama Desa sanistannya kalih pahan saking sane ten rauh.
  - b. Wewilangan suara sane nganutin sanistannya kalih pahan -  
saking wewilangan suarane parem.

SARGA VIII  
P E M U P U T  
PAWOS 91.

1. Awig-awig puniki kawastanin awig-awig Desa Adat Kemoning.
2. Awig-awig puniki kemargiang ngawit saking keraremin antuk -  
krama Desa Adat Kemoning.
3. Awig-awig Desa Adat Kemoning puniki manggeh kalih kelaksan-  
yang ring wawidangan Desa Adat Kemoning.
4. Awig-awig Desa Adat puniki nganinin sahanan warga lan krama  
Desa Adat Kemoning lan sahanan san kakuwub antuk Desa Adat-  
Kemoning.

PAWOS 92.


Saluiring pemargi pakraman sane durung kebakos utawi durung -  
mungguh, sajeroning awig-awig puniki manggeh kelaksanayang ma-  
nut tata cara sane sampun ketah pemargi, kadulurin antuk pasu-  
ara/perarem.


PAWOS 93.


Awig-awig puniki keraremin duk rahina perareman Krama Desa Adat Kemoning -  
ring rahina, Soma Paing Merakih, Tanggal Masehi 11 Maret 1985.

Kelingga tanganin olih,  
Klian Desa Adat Kemoning

  
( I NYOMAN GDE MURDANA )

  
( I NENGAH TINDIH )

  
( I KETUT GARA )

  
( I NENGAH SUDIRA )

PRAJURU - PRAJURU BANJAR ADAT  
RING DESA ADAT KEMONING

- |                   |   |                         |
|-------------------|---|-------------------------|
| BANJAR SARI       | : | 1. I KENUT MERBA        |
|                   |   | 2. I KETUT RUMA         |
| BANJAR PEGULINGAN | : | 1. I NYOMAN SUDARTA.    |
|                   |   | 2. I NYOMAN ARDANA, BA. |
| BANJAR KEMONING   | : | 1. I DW. GD. OKA        |
|                   |   | 2. I PUTU WIJANA        |
| BANJAR A T U      | : | 1. I WAYAN SUARDI       |
|                   |   | 2. I NYOMAN BUKTI YASA  |
| BANJAR DELODTITI  | : | 1. I NENGAH KOWAT, BA.  |
|                   |   | 2. I WAYAN SUKERATA.    |
-